

ԵՐԵՒԱՆԻ ԽԱՆՈՒԹԵԱՆ ՀԱՅ ՄԵԼԻՔԵՆԵՐԸ ԺԹ. ԴԱՐԻ ՍԿՋԲԻՆ
ՀԱՐԱԻԱՅԻՆ ԿՈՎԿԱՍԻ ՇՈՒՐՋ ՌՈՒՍ-ԻՐԱՆԱԿԱՆ
ՀԱԿԱՄԱՐՏՈՒԹԵԱՆ ՍՐՄԱՆ ՇՐՋԱՆՈՒՄ

Քրիստիտե Կոստիկեան

ԺԹ. դարի սկզբին Հարաւային Կովկասի շուրջ ռուս-իրանական հակամարտութեան սրման ու պատերազմական բախումների ընթացքում տեղի հայ բնակչութիւնն իր աշխարհիկ ու հոգեւոր առաջնորդների գլխավորութեամբ ներքաշուած է Ռուսաստանի եւ Իրանի իշխանութիւնների քաղաքական պայքարի մէջ: Կեղծ խոստումներով ու սիրաշահող քայլերով վերջիններս ջանում էին իրենց կողմը գրաւել հայերին՝ ռազմական բախումների ընթացքում նրանց նիւթական ու մարտական աջակցութիւնը ստանալու նպատակով: Հայ ժողովրդի ազատագրութեան յոյսերը կապելով Ռուսաստանի հետ՝ Ղարաբաղի ու Երեւանի հայ մելիքներից շատերը լայն աջակցութիւն էին ցուցաբերում ցարական իշխանութիւններին:

Նշուած ժամանակահատուածում Ռուսաստանը, ակտիւօրէն իրականացնելով իր նուաճողական ծրագրերը Հարաւային Կովկասում, Արեւելեան Վրաստանի հետ իր իշխանութեան տակ է առնում նաեւ Երեւանի խանութեան հիւսիսային տարածքները՝ ներառեալ Լոռու, Փամբակի, Բորչալուի, Ղարաբաղի ու Շամշադինի շրջանները: Ադա Մուհամմադ խանի 1795 թ. արշաւանքի հետեւանքով բաւականին նօսրացած բնակչութիւն ունեցող այս շրջանների վերաբնակեցման հարցը Հարաւային Կովկասի ռուսական վարչութեան ուղղորդութեան կենտրոնում էր, եւ այդ նպատակով այստեղ տարածքներ են յատկացւում Ղարաբաղից իրենց հպատակների հետ հեռացած հայ մելիքներին: Ռուսաստանի կայսր Պա-

ւել Ա.ի եւ Վրաց թագաւոր Գէորգի ԺԲ.ի հրամանագրերով Մելիք Աբովին յանձնուած է Բոլնիսի գաւառը, Մելիք Յրիգունին՝ Աղջակալան եւ Բորչալուի մի մասը, իսկ միւս մասը եւ Լոռին տրուած են Մելիք Ջումշուդ Մելիք-Շահնազարեանին¹: Վերաբնակիչների հաստատումն իրենց յատկացուած տարածքներում սակայն հարթ չի ընթանում՝ հանդիպելով տեղի ազնուականութեան ներկայացուցիչների դիմադրութեանը: Այս կապակցութեամբ Մելիք Ջումշուդը Պ. Կովալենսկուն ուղղուած 1800 թ. իր մի նամակում հայցում է ռուս իշխանաւորի կարգադրութիւնը, որ իր հետ գաղթած ժողովուրդն իր ենթակայութեան տակ գտնուի. «որպէս եւ բնականապէս կանօնեցեա կայ ի մէջ, որ ոչ ոք մէլիք չի կարող միւս մէլիքի սեփական ժողովրդոցն ձեռնամուխ լինել: Եւ վասն միւս ժողովրդոցն հրամայեա պարոն Կարապետին եւ միոյ քահանայի, զի զայնս աստուածակոյս կողմանէ կարգաւորեսցեն ի մէջ մեր սիրով խաղաղութեամբ»²: 1804 թ. ռուսների երեւանեան առաջին արշաւանքից յետոյ Լոռու, Փամբակի եւ Բորչալուի շրջաններ է բերուած շուրջ 2000 հայ ընտանիք³: Այս

1 Армяно-русские отношения, т. 4, сост. А. В. Алексанян, В. М. Мартиросян, М. Г. Нерсисян, П. А. Чобанян, Ереван, 1990, д. 370, с. 527. Այս մասին տե՛ս նաեւ Արցախի մելիքութիւնները եւ մելիքական տները XVII-XIX դդ., Երեւան, 2007, էջ 94:
2 Присоединение Восточной Армении к России, ред. Ц. Агаян, т. 1, Ереван, 1972, с. 40.
3 Վ. Ա. Դիլոյեան, Արեւելեան Հայաստանը XIX դարի առաջին երեսնամեակին եւ հայ-ռուսական յարաբերութիւնները, Երեւան, 1989, 38-39:

շրջաններում հաստատուած, այդ թւում նաեւ հայ մելիքների հետ եկած վերաբնակիչների դրութիւնը բաւականին ծանր էր. այնպէս որ, նրանց մի մասն իրենց իսկ կամքով, ինչպէս նաեւ ռուսական իշխանութիւնների ցուցումներին համապատասխան, կարճ ժամանակ անց տեղափոխուած է Ելիսաւետպոլի (կամ Գանձակի) նահանգ⁴: Այնտեղ է հաստատուած նաեւ Մելիք Ջումշուդ Մելիք-Շահնազարեանը իր հպատակների հետ⁵: Նա ռուս-պարսկական պատերազմի յետագայ շրջանում աչքի է ընկնում Իրանի դէմ ռուսական զօրքի հետ մղուած կռիւներում եւ արժանանում է ռուսական իշխանութեան պարգեւներին⁶:

Եթէ Արցախի հայ մելիքները վճռական էին իրենց ռուսական կողմնորոշման հարցում եւ դեռեւս ԺԸ. դարում բազմիցս փորձում էին խաների դէմ պայքարում յենուել Ռուսաստանի աջակցութեան վրայ, ապա նոյնը չի կարելի ասել Երեւանի խանութեան հայ մելիքների մասին: Այստեղի մելիքները հիմնականում աւելի զգուշաւոր էին, խուսափում էին ռազմական պայքարից եւ գերադասում էին բարիդրացիական յարաբերութիւններ ունենալ տեղի եւ Իրանի մահմեդական իշխանութիւնների հետ: Այս առումով յատկանշական է, որ գիտակցելով ռազմական գործողութիւնների ծանր հետեւանքները խաղաղ բնակչութեան բնականոն կեանքի վրայ՝ Երեւանի Աբրահամ Մելիք-Աղամալեանը եւ իւզբաշի Գաբրիէլ Գեղամացին գրաւոր դիմում են յղում Մելիք Ջումշուդ Մելիք-Շահնազարեանին՝ միջնորդելու, որ Յիցիանովը հաշտութիւն կնքի Երեւանի խանի հետ «ոյր չըլինի թէ այս երգիւրս էլ Ղարաբաղու նըման քրիստոնէից աւերումն լինի»⁷:

4 Վ. Դիլոյեան, Ա. 2, էջ 44:
5 Присоединение Восточной Армении к России, т. 1, с. 310, 399.
6 Նոյն տեղում, էջ 401, 648.
7 Նոյն տեղում, էջ 172:

Արցախի հայ մելիքների մեծ մասի ակնյայտ ռուսական կողմնորոշումը վտանգում էր ռազմական հարցերում մինչ այդ որեւէ կերպ աչքի չընկնող Երեւանի հայ մելիքների ու հասարակ ժողովրդի կեցութիւնը: Միաժամանակ պէտք է հաշուի առնել, որ զգալի թուով հայ զինուորներ կային Երեւանի բերդը պաշտպանող կայսրական զինուորների դիրքորոշումը կարող էր վճռական դեր խաղալ բերդի համար մղուող մարտերում: Այս հարցում բնորոշ օրինակ է Երեւանի Մուհամմադ խանի վերաբերմունքը հայ հարկւրապետ Գաբրիէլ Գեղամացու նկատմամբ: Գանձակի բերդի 1804 թ. գրաւումից յետոյ լուրեր ստանալով ռուսների կողմից դէպի Երեւան նախաձեռնուող արշաւանքի մասին, Երեւանի Մուհամմադ խանը կարգադրում է խեղդամահ անել Գաբրիէլ Գեղամացուն: Դա, սակայն, յաջողուած է կանխել վերջինիս որոշ բարեկամների միջնորդութեամբ⁸: Ինչպէս յետագայ փաստերն են ցոյց տալիս, անհիմն չէին տեղի խանի ու իրանական հրամանատարութեան կասկածները հայերի հաւատարմութեան վերաբերեալ: Պահպանուել են Երեւանի մելիք Աբրահամի եւ Գաբրիէլ իւզբաշու նամակները ռուսական իշխանութիւններին՝ նրանց աջակցելու իրենց պատրաստակամութեան մասին վստահեցումներով, նաեւ իրանական կողմի ռազմական համալրումների ու այլ գործունէութեան վերաբերեալ տուեալներով⁹: Իսկ այն մասին, որ Երեւանի Մուհամմադ խանը լաւատեղեակ էր Գաբրիէլ Գեղամացու քաղաքական կողմնորոշմանը, փաստում է Եգոր Խուրովը՝ նշելով, որ խանը իր եւ Գաբրիէլի միջոցով էր կապ-

8 Акты, собранные Кавказской археографической комиссией (АКАК), т. I, Тифлис, 1866, с. 118:
9 Վ. Դիլոյեան, Ա. 2, էջ 133:
10 АКАК, т. II, Тифлис, 1868, док. 1205, 1256, с. 604, 626.

ուում Կովկասի ուսուսական իշխանութիւններին Հետ Ռուսաստանի հպատակութիւնն ընդունելու և նրանից Իրանի դէմ օգնութիւն ստանալու ակնկալիքով¹¹: Իրանի զաջարական իշխանութիւնները չվստահելով բերդի հայ պաշտպաններին՝ բերդի կայազօրի մէջ ներգրաւում են Քերմանի հետեւակազօրայիններին¹²:

Հայ մելիքների գրութեան անկայունութիւնը Երեւանի խանութիւնում դրդում է նրանցից մի քանիսին դիմել Կովկասի ուսուսական իշխանութիւններին՝ իրենց ենթակայ տարածքներում, յատկապէս՝ Գանձակի խանութիւնում հողեր յատկացնելու խնդրանքով: Նման դիմումներով հանդէս են գալիս Երեւանի մելիքներ Աբրահամ ու Սահակ Աղամալխանները, Օհաննէս, Գաբրիէլ և Ալլահվերդի իւզբաշինները¹³: Կովկասի ուսուսական հրամանատարութեան յետագայ գրագրութիւնից յայտնի է դառնում 1807 թ., իրենց կողմից ներկայացուած դիմումներին համապատասխան, Գաբրիէլ և Օհաննէս իւզբաշի Գեղամեաններին Ելիսաբետպոլի նահանգում բնակութեան վայր տրամադրելու մասին¹⁴:

Մատենադարանի արխիւային ֆոնդերում պահպանուած պարսկերէն վաւերագրերը ցոյց են տալիս, որ իրանական իշխանութիւններն իրենց հերթին ջանում էին իրենց կողմը գրաւել հայ ազնուականներին և յատուկ արտօնութիւններով խրախուսում էին իրենց նկատմամբ հաւատարմութիւն ցուցաբերած հայ հողատէրերին ու վաճառականներին:

ԺԹ. դարի սկզբի հայերէն ու ռուսերէն փաստագրական նիւթերում պահպա-

նուել են Շամշադինում ու Ղազախում գտնուող քաւանթար¹⁵ Յովհաննէսի կողմից 1805 թ. Լ. էրիսթովին գրուած նամակներ, որոնցում նա իր մտահոգութիւնն է յայտնում ուսուսական բախումների արդիւնքում Երեւանի խանութեան բնակչութեանը՝ թէ՛ հայերին ու թէ՛ այլազգիներին, հասցուող վնասների մասին¹⁶: Նամակներից մէկում նշուած է նաեւ, որ պարսիկները Փիր Ղուլի սարգարի գլխաւորութեամբ մտել են Ղզղալա, որտեղ Յովհաննէս քաւանթարն էր, ապա նրանից պահանջել են ներկայանալ թագաժառանգ Աբբաս Միրզային, որպէսզի վերջինս նրան խալաթով¹⁷ պատուի, և մօտակայ տարածքում գտնուող միւս հայ գեղջաւագների հետ տարել են Երեւան¹⁸: Կարծում ենք, որ թերեւս այս անձին է տրուած եղել Աբբաս Միրզայի 1808 թ. հրամանագիրը, որով Մելիք Յովհաննէսը նշանակուած էր Երեւանի ու Նախիջեւանի հայութեան մելիք, և համապատասխանաբար կարգադրուած էր Հոսէյն խան սարգարին նրան յիշեալ շրջանների հայութեան մելիք ճանաչել: ¹⁹Հրովարտակի բովանդակութիւնից պարզ է, որ վերոյիշեալ Մելիք Յովհաննէսը ազնուականական տոհմից էր, վայելում էր իրանական իշխա-

15 Քաւանթար (کانتار) էին կոչում քաղաքների կամ քաղաքային խոշոր թաղամասերի աշխարհիկ ղեկավարները, որոնք զբաղուում էին բնակչութեան քաղաքացիական հարցերով և հետևում քաղաքի հասարակական գործերին: Սրանք սովորաբար ընտրուում էին քաղաքի մեծահարուստ վաճառականների շարքերից (Յ. Փափագեան, Մատենադարանի պարսկերէն հրովարտակները, պրակ Ա, Երևան, 1956, էջ 122):

16 Присоединение Восточной Армении к России, т. 1, д. 257, сс. 322-3, д. 266, сс. 328-9.

17 Խալաթ (خالق) - Հիւրաւիրութեան եւ կամ զանազան տօների առթիւ կազմակերպուած ընդունելութիւնների ժամանակ յարգանքի ու մեծարման նկատակով տրուող մեծարժէք նուէր, որը մեծ մասամբ լինում էր շքեղ եւ թանկագին հագուստ:

18 Присоединение Восточной Армении к России, т. 1, д. 266, сс. 328-9.

19 Մատենադարան, Կաթողիկոսական դիւան, թղթ. 1 ը, վաւ. 1504:

11 Хубов Е., Описание достопамятныхъ произшествій въ Арменіи, Санктпетербург, 1811, сс. 7, 22: 12 .116. عبد الرزاق مفتون دنلی، مآثر سلطانیه، تهران، 1351، ص. 116. 13 АКАК, т. III, Тифлис, 1869, док. 441, 817, с. 236-7, 443. 14 Присоединение Восточной Армении к России, т. 1, д. 374, с. 425.

նութիւնների վստահութիւնը, և նրան որդշակի դեր էր վերապահուած Երեւանի հայ բնակչութեան վերաբերութեամբ. «[1808 թ.] տարուայ սկզբից Երեւանի ու Նախիջեւանի հայութեան մելիքութիւնը վերոյիշեալին յանձնեցինք, որպէսզի ամենայն ջանասիրութեամբ, խնամքով ու զգօնութեամբ պաշտպանի նրանց ու հաւաքի ցաքուցրիւ եղածներին՝ դրսեւորելով իր հաւատարմութիւնն ու նուիրուածութիւնն [չահական] ամենալուսաւոր մտքին: Եւ թող ստանայ հարկերը, որ նրան էին յատկացուած եղել մշտապէս և ժառանգաբար՝ ծախսելով դրանք իր ապրուստի ու կարիքների համար»:

1813 թ. կնքուած Գիւլիստանի հաշտութեան պայմանագրով Իրանի ու Ռուսաստանի միջեւ սահմանը, սկսուելով արեւմուտքում Շորագեալի շրջանից, ձգուած էր նրան կից Փամբակի, Ղազախի, Շամշադիլի և Ելիսաբետպոլի շրջաններով, այնուհետեւ՝ շարունակուած Ղարաբաղի խանութեան սահմանագծով և աւարտուած Արաքս գետի մօտ²⁰: Այս պայմանագրի թերի կողմերից էին սահմանների վերաբերեալ ոչ յստակ ու վիճարոյց ձեւակերպումները, որոնք յետագայում կողմերի միջեւ երկարատեւ վիճաբանութիւնների պատճառ են դառնում և այդպէս էլ լուծուած չստանալով՝ յանգեցնում նոր պատերազմի բռնկմանը:

Կովկասի կառավարչապետ Ա. Պ. Երմոլովը 1820 թ. սահմանային վէճերի կակցութեամբ իր գրած մի նամակում նշում է, որ պարսիկները ջանում են ստանալ մի տարածք Փամբակի շրջանում, որպէսզի կապ ունենան Ռուսաստանի տիրապետութեան տակ անցած «թաթարների» հետ, ինչը նա անթոյլատրելի է համարում սահմանների պահպանութեան տեսանկիւնից: Բացի այդ, պայմանագրով Իրանին էր

20 АКАК, т. VI, ч. II, Тифлис, 1875, с. 141.

պատկանում Շամշադիլի դիստանցիայի ու Սեւանայ լճի միջեւ գտնուող մի անբնակ տարածք, որը ուսուսակապակ «թաթարների» քոչվայրն էր և հակառակորդ կողմի քոչուորների հետ հանդիպման վայրը: Այստեղ դաւեր էին նիւթում ուսուսական իշխանութիւնների դէմ: Երմոլովն առաջարկում էր Ռուսաստանին պահել այս երկու տարածքները՝ փոխարէնը Իրանին յանձնելով Կապան-չայ և Կապանակ-չայ գետերի միջեւ ընկած տարածքը²¹: Սահմանների հարցը կարգաւորելու նպատակով կողմերը 1823 թ. անգամ որոշում են իրենց ներկայացուցիչների մասնակցութեամբ յանձնաժողով ստեղծել և սահմանների յստակեցման հարցում փոխհամաձայնութեան գալ²²: Ռուսական իշխանութիւնները յանձինս Կովկասի կառավարչապետ Ա. Պ. Երմոլովի մինչեւ իսկ պատրաստակամութիւն են յայտնում զիջելու Շորագեալի շրջանից մի զգալի մաս²³: Այնուամենայնիւ, կողմերը փոխհամաձայնութեան չեն գալիս:

Ինչպէս ստորեւ կը տեսնենք, առաջին և երկրորդ ուսուսակական պատերազմների միջեւ ընկած ժամանակամիջոցում (1813-1826 թթ.) զաջարական իշխանութիւնները հրապարակում են հայ մելիքներից մի քանիսի իրաւունքները հիմնականում վիճելի տարածքներում հաստատող հրամանագրեր՝ ջանալով այդպէս ամրապնդել իրանական կողմի դիրքերն այս վայրերում:

Մինչեւ 1805 թ. Երեւանի խանութեան մէջ էր գտնուում Շորագեալի սուլ-

21 АКАК, т. VI, ч. II, с. 228. 22 АКАК, т. VI, ч. II, дд. 517-9, 521, 524, с. 277-282 եւ այլն: 23 Այդ մասին Աշուտ է գեմ.-լէտ. վեկամիսնովի կողմից 1824 թ. թագաժառանգ Աբբաս Միրզային յղուած մի նամակում (АКАК, т. VI, ч. II, д. 589, с. 328):

Թանութիւնը²⁴, որն այդ թուականին գրա-
ւուում է ուսական զօրքերի կողմից եւ
միացում Ռուսաստանին²⁵: Շորագեալի
գաւառի միացումը Ռուսաստանին հաս-
տատուում է առաջին ուսու-պարսկական
պատերազմի աւարտին կնքուած Գիւլիս-
տանի հաշտութեան պայմանագրով, սա-
կայն, ինչպէս վերը նշեցինք, այն հակա-
մարտ կողմերի միջեւ վիճելի տարածքնե-
րից էր: Երեւանի Հոսէյն խանի 1811 թ. եւ
Թագաժառանգ Աբբաս Միրզայի 1812 թ.
հրամանագրերով Մնացականի որդի Յա-
րութիւնի որդի Կարապետ Աղան, ով շա-
հին հաւատարիմ հայ ազնուականներից
էր, իր ծառայութիւնների դիմաց ազատ-
ւում է Շորագեալում գտնուող իր կա-
լուածքների համար մի շարք հարկերի
վճարումից²⁶: Աղա Կարապետի յիշեալ ի-
րաւունքը հաստատուում է նաեւ Ֆաթհալի
շահի 1820 թ. սեպտեմբերի հրամանա-
գրով²⁷: 1817 թ. ուսական հրամանատա-
րութեան տուեալներով ուսու-իրանական
առաջին պատերազմի ընթացքում Շորա-
գեալի բնակչութեան թիւը խիստ նուազել
էր նախապատերազմեան 1000 ընտանիքից
հասնելով 200-ի²⁸: Ակներեւ է, որ շահա-
կան իշխանութիւններն իրենց այս քայլով
ազատում էին հայ մելիքին ու նրան են-
թակայ շրջանը իրանի հանդէպ հարկային
պարտաւորութիւններից եւ թերեւս այդ-
կերպ արտօնեալ պայմաններով փորձում
խրախուսել նրան ունենալու իրանական
կողմնորոշում:

24 Սուլթանն իշխանական աստիճանակարգում
յաջորդում էր խանին, իսկ նրանց յաջորդում էին
միմյաւորները, ապա՝ իզբաշիները: Սուլթանին
ենթակայ տարածքը համապատասխանաբար
կոչում էր սուլթանութիւն:

25 Հայ ժողովրդի պատմութիւն, հտ. V, Երեւան,
1974, էջ 14, 121:

26 Մատենադարան, Կաթողիկոսական դիւան,
թղթ. 1գ, վաւ. 1018, 1022:

27 Նոյն տեղում, վաւ. 1024, տե՛ս պատկեր 1:

28 AKAK, т. VI, ч. II, с. 142.

Իր շահերից ելնելով՝ իշխանութիւնն
անգամ փորձում է վերակենդանացնել ար-
դէն քաղաքական ասպարէզից դուրս եկած
Սիւնիքի Օրբէլեանների եւ Գեղարքունիքի
Մելիք-Շահնազարեանների ազնուականա-
կան տոհմերը՝ կալուածքներ շնորհելով այդ
տոհմերից սերած իրենց յարմար թեկնածու-
ներին: Այսպէս, Ֆաթհալի շահի 1813 թ.
յուլիսի հրամանագրով հաստատուում են
Սամ Բեկի որդի Պետրոս Օրբէլեանի ժա-
ռանգական իրաւունքները Սիւնիքի Ամա-
ղու գիւղի եւ Նորավանքի նկատմամբ²⁹:

Նոյն պատճառներով 1824 թ. թագա-
ժառանգ Աբբաս Միրզայի եւ երկու տարի
անց Ֆաթհալի շահի հրամանագրերով Գե-
ղարքունիքի մի շարք գիւղերի նկատմամբ
կալուածատիրական իրաւունքը յանձն-
ւում է Դաւիթ Մելիք-Շահնազարեանին³⁰:
Վերջինս եղել էր Ֆաթհալի շահի բանա-
գնացը Նապոլէոնի հետ բանակցութիւննե-
րում, գտնուել էր իրանում պետական ծա-
ռայութեան մէջ՝ վարելով թարգմանչի
պաշտօն, ստացել էր «խանի» տիտղոսը³¹:
Իր խնդրանքին համապատասխան՝ թագա-
ժառանգ Աբբաս Միրզայի 1818 թ. հրամա-
նագրով նա ազատուում է պետական ծա-
ռայութիւնից³², որից յետոյ փորձում է

29 Այս հրովարտակի բնագիրը տե՛ս Ք. Կոստի-
կեան, Սիւնիքի Օրբէլեանները XVIII-XIX դա-
րերում, Մերձատր եւ Միջին Արեւելքի երկրներ
եւ ժողովուրդներ, XIX, Երեւան, 2000, էջ 70-78:

30 Մատենադարան, Մելիք-Շահնազարեանների
ֆոնդ, թղթ. 241, գործ 1, վաւ. 43, 44. Կաթողի-
կոսական դիւան, թղթ. 1ե, վաւ. 701: Այս մասին
աւելի մանրամասն տե՛ս Ք. Կոստիկեան, Գե-
ղարքունիքի Մելիք-Շահնազարեանների պատ-
մութիւնից, Մերձատր եւ Միջին Արեւելքի երկր-
ներ եւ ժողովուրդներ, XXIV, Երեւան, 2005, էջ
303-329:

31 Գ. Շերմազանեան, Նիթեր ազգային պատմու-
թեան համար. Երեւելի հայկազունք ի Պարս-
կաստան, Ռուստով, 1890, էջ 122:

32 Այդ հրամանագրի պատճէնը տե՛ս Մատենադա-
րան, Կաթողիկոսական դիւան, թղթ. 1ը, վաւ.
1560:

տէր դառնալ պապենական ժառանգու-
թեանը Գեղարքունիքում:

Յիշեալ հրամանագրերը տրուում են
հէնց այն շրջանում, երբ Գեղարքունիքի ու
Սաղարաքի կապակցութեամբ տարածքա-
յին վիճեր էին ընթանում իրանի եւ Ղարա-
բաղում ու Վրաստանում հաստատուած
ուսական իշխանութիւնների միջեւ³³: Հե-
տեւաբար, իրենց այս քայլով շահական իշ-
խանութիւնները ցանկանում էին, Դաւիթ
Մելիք-Շահնազարեանի միջոցով իրենց
հսկողութեան տակ առնել Գեղարքունիքի
վիճելի տարածքների մի մասը:

Բնականաբար, նման պայմաններում
Դաւիթ Մելիք-Շահնազարեանի յաւակնու-
թիւնները չէին կարող խրախուսուել ցա-
րական իշխանութիւնների կողմից: Պահ-
պանուել են 1826-1828 թթ. ուսու-պարսկա-
կան պատերազմի շրջանի մի շարք փաս-
տաթղթեր, որոնք վկայում են Եփրեմ կա-
թողիկոսի օրօք էջմիածնի պարտքերի
գեղջման նպատակով հայ բարձրաստիճան
հոգեւորականների ու պարսից իշխանու-
թիւնների միջեւ վարուող բանակցութիւն-
ներում Դաւիթ Մելիք-Շահնազարեանի՝
որպէս միջնորդ հանդէս գալու մասին³⁴:
1828 թ. Ռուսաստանի տիրապետութեան
տակ անցած Երեւանի նահանգի նոր իշ-
խանութիւնները, բնականաբար, չէին
խրախուսում իրանի հետ սերտ կապեր ու-
նեցող հայ ազնուականներին: Զարմանալի
է, որ Դաւիթ Մելիք-շահնազարեանի մե-
լիքական իրաւունքները կովկասի ուսու-
կան իշխանութիւններն այդպէս էլ չեն
հաստատում: Զնայած Ռուսաստանի հպա-
տակութիւնն ընդունելուն, երկարատեւ
յամառ պայքարին ու դատական քաջը-
շուկներին, Դաւիթ Մելիք-Շահնազարեա-

33 Кавказский сборник, т. 21, Тифлис 1900, с. 1-2,
12, 14-42.

34 Մատենադարան, Կաթողիկոսական դիւան,
թղթ. 1ե, վաւ. 730, 731, 742, 745:

նին չի յաջողուում տէր դառնալ իր պապե-
նական կալուածքներին³⁵:

Երեւանի հայ մելիքներից Մելիք Սա-
հակի քաղաքական կողմնորոշման վրայ
ազդելու նպատակով է տեղի ունենում Ի-
րանում շահի հովանաւորութեան ներքոյ
գտնուող վրաց արքայորդի Ալեքսանդր
Միրզայի եւ Երեւանի յիշեալ մելիքի
դստեր՝ Մարիայի ամուսնութիւնը: Մելիք
Սահակ Աղամալեանը տուեալ ժամանա-
կաշրջանի Երեւանի իւսնութեան ազդեցիկ
անձնաւորութիւններից մէկն էր, որը մեծ
հեղինակութիւն էր վայելում նաեւ Երեւա-
նի սարգարի ու իրանական իշխանութիւն-
ների շրջանում³⁶: Իրանի թագաժառանգ
Աբբաս Միրզան հիջրայի 1234 թ. (1818/9
թ.) եւ 1235 թ. (1819/20 թ.) իր հրամանա-
գրերով առաջարկում է Եփրեմ կաթողիկո-
սին քրիստոնէական օրէնքներով թոյլատ-
րել նրանց ամուսնութիւնը եւ կատարել
պսակադրութեան արարողութիւնը³⁷: Պահ-
պանուել է նաեւ Երեւանի խան Հոսէյն
սարգարի նամակը, որով տեղեկացնում է
Եփրեմ կաթողիկոսին Մելիք Սահակի
դստերը վրաց արքայորդի Ալեքսանդր
Միրզայի հետ ամուսնացնելու մտադրու-
թեան եւ այդ կապակցութեամբ հրապարա-
կուած թագաժառանգի հրամանագրի մա-
սին: Նշուում է, որ կաթողիկոսը կարող է
դա իրականացնել մօտակայ յարմար ժա-
մանակահատուածում³⁸: Զնայած այն
հանգամանքին, որ Մելիք Սահակ Աղամա-
լեանը Երեւանի Հոսէյն Ղուլի խան սար-
գարի մերձաւոր պաշտօնեաներից էր եւ
խանութեան հայկական հետեւակազօրի

35 Ք. Կոստիկեան, Գեղարքունիքի Մելիք-Շահնա-
զարեանների պատմութիւնից, էջ 306:

36 R. Hewsen, The Meliks of Eastern Armenia, VI,
The House of Atamaleanc, «Բազմալէպ», 1984,
թ. 3-4, էջ 323:

37 Մատենադարան, Կաթողիկոսական դիւան,
թղթ. 1ե, վաւ. 680, 682:

38 Մատենադարան, Կաթողիկոսական դիւան,
թղթ. 1ը, վաւ. 1724:

հրամանատարը, ում իրանական իշխանութիւններն իրենց հերթին ջանում էին ազգակցական կապերով կապել իրանամէտ վրաց արքայորդու հետ, ուսական արխիւային փաստաթղթերում նա հանդէս է գալիս որպէս ուսական կողմնորոշում ունեցող: Մելիք Սահակը դեռեւս 1805 թ. դիմել էր Վրաստանում հաստատուած ուսական իշխանութիւններին՝ իրեն ու իր հպատակ գիւղացիներին Վրաստանի Յինցկարոյ անբնակ վայրում տեղ յատկացնելու համար: Այս հարցը դրական լուծում է ստանում³⁹: Մելիք Սահակի մասին յիշատակում է նաեւ կոմս Ի. Գուրգովիչի 1807 թ. գեներ. մայոր նետուետաեւին ուղղուած յանձնարարականում, որտեղ նշում է որ Երեւանի մելիքներ Սահակին ու Իբրահիմին (Աբրահամ?) անհրաժեշտ է բնակութեան ու հողամշակութեան վայր տրամադրել Փամբակի դիստանցիայում⁴⁰:

Յետագայ տեղեկութիւններից յայտնի է դառնում, որ, չնայած վերը նշուած ամուսնութեանը, Մելիք Սահակը ուսպարսկական 1826-1828 թթ. պատերազմի ընթացքում շարունակել է համագործակցել ուսանների հետ ու անհրաժեշտ տեղեկութիւններ է հաղորդել ուսական հրամանատարութեանը Երեւանի խանութիւնում գտնուող պարսկական զօրքի վերաբերեալ⁴¹: 1828 թ. պատերազմից յետոյ ուսական զօրքի գլխաւոր հրամանատար Ի. Պ. Կրասովսկին իր մի նամակում շեշտում է Ռուսաստանին մատուցած նրա ծառայութիւնները եւ հոգում, որ նա ուսական տիրապետութեան տակ անցած Ե-

րեւանի նահանգ վերադառնալու թոյլտուութիւն ստանայ⁴²: Մելիք Սահակն այնուհետեւ ծառայութեան է անցնում Հարաւային Կովկասի շրջանային վարչութիւնում որպէս «ասսետոր»⁴³:

1833 թ. ուսական պաշտօնեաների նամակագրութեան մէջ որոշակի տեղեկութիւններ կան վերը նշուած ամուսնութիւնից ծնուած 7-ամեայ Հերակլի կրթութիւնը Ս. Պետերբուրգում պետական գանձարանի հաշուին կազմակերպելու եւ թէ՛ նրան, թէ՛ նրա մօրը որպէս վրացական արքայական տոհմի ներկայացուցիչների պետական թոշակ նշանակելու մասին⁴⁴: Մելիք Սահակի նախաձեռնութեամբ արդէն ուսական տիրապետութեան շրջանում վերանորոգում է Երեւանի մօտակայքում գտնուող եկեղեցին, որտեղ էլ նա իր մահից յետոյ թաղւում է 1835 թ.⁴⁵:

Այսպիսով, Մատենադարանի դաջարական շրջանի պարսկական հրամանագրերը ուրուագծում են հայ մելիքական իրաւունքների շահարկումը Իրանի դաջարական իշխանութիւնների կողմից քաղաքական նպատակներով: Սակայն միշտ էլ, որ դրանք հարթ ընթացք էին ստանում եւ իրենց նպատակին ծառայում: Եթէ հաշուի առնենք նաեւ այն հանգամանքը, որ 1828 թ. Թուրքմէնչայի պայմանագրի կնքումից յետոյ Երեւանի խանութիւնը դուրս է գալիս իրանական ազդեցութեան գօտուց, ապա ականյայտ է դառնում, որ այդ թուականից ի վեր նշուած հրամանագրերը կորցնում են իրենց գործառական նշանակութիւնը:

39 Присоединение Восточной Армении к России, т. 1, д. 210, с. 659.
 40 АКАК, т. III, д. 817, с. 443.
 41 Присоединение Восточной Армении к России, ред. Ц. Агаян, т. 2, Ереван, 1978, дд. 176, 204, сс. 300, 365.

42 Присоединение Восточной Армении к России, т. 2, д. 241, с. 442.
 43 R. Hewsен, 62. աշխ., էջ 325:
 44 АКАК, т. VIII, Тифлис, 1881, д. 135, 136, с. 216.
 45 R. Hewsен, 62. աշխ., էջ 325:



Պատկեր 1: Մատենադարան, Կաթողիկոսական դիւան, թղթ. 1դ, վաւ. 1024